



Sarajevo, 10.09.2021. godine

Broj: 06-06-2-978-2/21

Poziv na seminar „Kako do novih EU fondova za mala, srednja i velika preduzeća“

Poštovana/i,

Vanjskotrgovinska komora Bosne i Hercegovine (VTK BiH) organizira i ovim putem Vas poziva na jednodnevni seminar na temu „**Kako do novih EU fondova za mala, srednja i velika preduzeća**“, koji će se održati u petak, **08.10.2021. godine u prostorijama VTK BiH u Sarajevu**, ulica Branislava Đurđeva 10.

Seminar će pružiti sveobuhvatan pregled mogućnosti finansiranja projekata iz novih EU fondova (2021-2027), otvorenih konkursa za BiH i “EU paket” za Zapadni Balkan koji je najveći u historiji EU i Zapadnoga Balkana.

Program Vas vodi kroz cijeli proces razvoja projekta:

- od generisanja ideje,
- identifikacije izvora finansiranja,
- sklapanja partnerstava,
- pripreme,
- kreiranja i pisanja prijedloga projekta,
- do smjernica za pripremu budžeta.

Ova edukacija je jedinstvena u Bosni i Hercegovini jer omogućava učesnicima da savladaju najvažnije, različite metodologije kako da mobilišu EU fondove u narednom periodu:

- IPA3 i druge External Aid projekte poput EIDHR itd. za koje je neophodno koristiti Logičku Matricu Projekta, menadžerski alat koji Vam pomaže da strukturirate i formulišete Vašu projektnu ideju u koncept projekta i povezivanje Vašeg projekta sa aplikacionim formularom i budžetom.
- Dizajn projekata za Horizon Europe, za inovacije u svim sektorima (RIA, IA, CSA, Twinning, Teaming, ERA Chair, EIC Accelerator akcije), za koje se koristi naprednija analiza state-of-the-art tj. izvrsnosti, kreiranje drafta WBS, strukture projekta, radnih paketa i aktivnosti u skladu sa kriterijumima za evaluaciju i praktičan rad na izradi partnerskih profila učesnika i pomoći pri stvaranju kvalitetnih konzorcijuma. Principe koje učesnici budu savladali tokom radionice mogu da koriste za dizajn projekata i pod Erasmus Plus, Creative Europe i drugim EU community programima.
- Priprema za investicione projekte i izrada Investment Teaser-a, namijenjena je organizacijama koje žele da ostvare efikasnu saradnju sa investitorima. Fokusiraćemo se tokom treninga na projekte za komercijalizaciju inovacija.



Seminar je izuzetna prilika za bh. privredu, male, srednje i velike privatne i javne firme, ali i akademski sektor, univerzitete, nevladin sektor i javni sektor uključujući organe javne uprave na svim nivoima. Edukacija će omogućiti pronalaženje partnera i uključivanje u vodeće evropske konzorcijume koji provode multimilionske EU projekte, što je značajno onima koji tek ulaze u EU projekte i nemaju kapaciteta da budu nosioci velikih projekata.

Kroz interaktivan rad, učesnici će imati priliku da se konsultiraju sa predavačem o svojim konkretnim projektnim idejama i dobiće praktična uputstva za ispunjavanje projektnog prijedloga, jednostavno i konkretno. Također će imati priliku da kroz analizu Modela uspješnih projekata savladaju metode i tehnike koje obezbjeđuju najbolje rezultate prilikom ocjenjivanja projektnih prijedloga.

Metodologija rada predavača (Harvard case-in-point pristup) rezultira promjenom načina razmišljanja o EU grantovima i investicijama. Vratit ćete se u svoje firme i organizacije sa novim saznanjima kako da osigurate finansijsku podršku za Vaše projekte. Svaki učesnik može napraviti draft prijedloga projekta, partnerski profil i draft investment teasera kroz niz praktičnih primjera i vježbi.

Ko je predavač?

Predavač na seminar je **mr.sc. Boško Nektarijević**. Trenutno radi na poziciji glavnog eksperta za EU fondove i investicije u Evropskoj trening mreži. Coach izvršne agencije za MSP u EU. Do 2021. godine, Tim lider za podršku inovacija koje finansira EU u Crnoj Gori, ključni ekspert za EU programe za Srbiju, također i za učešće Turske, Ukrajine i zemalja mediterana u EU programima. Između ostalih pozicija radio je i kao ekspert EU za Naučno-Tehnološki razvoj Bosne i Hercegovine. Ima preko 20 godina iskustva u radu sa EU projektima i programima na pozicijama Senior Expert-a u preko deset zemalja, Belgiji, Turskoj, Ukrajini, Hrvatskoj, Sloveniji, Srbiji, Makedoniji, BiH, itd. Evaluator Evropske Komisije za EU programe i projekte. Pisac nekoliko desetina uspješnih projekata. Osnivač nekoliko međunarodnih udruženja i kompanija. Konzistentno ima najviše ocjene od preko deset hiljada učesnika treninga. Jedan od vodećih stručnjaka za EU fondove i inovacije, savjetnik vlada i industrijskih lidera. BBA IFAM Business School, Paris, France(99); MBA Solvay Business School; Brussels, Belgium (04); Executive Education, Harvard Kennedy School, Boston, USA (06). Više informacija o predavaču možete pronaći na njegovom LinkedIn profilu, putem sljedećeg link-a: <https://be.linkedin.com/in/nektarijevic>

Kome je radionica namijenjena?

Radionica je namijenjena privredi, vlasnicima i menadžerima malih, srednjih i velikih privatnih i javnih firmi, kao i mikro firmama. Također, predstavnicima univerziteta, nevladinom sektoru, liderima trening i inovacionih centara, organizacija za podršku razvoja biznisa i inovativnosti, udruženja preduzetnika i svima koji žele naučiti više o mogućnostima finansiranja iz novih EU fondova i predstojećim investicijama.



Kako izvršiti prijavu?

Prijava učešća na seminar se vrši popunjavanjem **online prijavnog obrasca**, a krajnji rok za podnošenje prijave je ponedjeljak, 04.10.2021. godine do 12:00 sati.

Kotizacija

Kotizacija za učešće na seminaru iznosi **200,00 KM + PDV**, a u cijenu je uključeno:

- Prisustvo predavanjima/nastavi (7 školskih sati)
- Certifikat European Training Academy
- Certifikat Vanjskotrgovinske komore BiH
- Elektronska prezentacija/materijali predavača
- Ručak i osvježenje na pauzama
- Radni pribor

Kompanije, institucije i organizacije koje izvrše prijavu 3 (tri) ili više uposlenika, ostvaruju popust od 10% na ukupnu cijenu kotizacije.

Napomene – epidemiološke mjere

Seminar će biti održan u velikoj konferencijskoj sali u poslovnoj zgradi VTK BiH u Sarajevu, uz ograničen broj polaznika (maksimalno 20), kako bi se osigurala provedba naredbi, preporuka i mjera kriznog štaba Federalnog ministarstva zdravstva (distanca između polaznika/sjedećih mjesta, maske, dezinfekcijska sredstva, itd.).

Kontakt za više informacija

Vaša kontakt osoba za sve dodatne informacije je gđin. Mirza Konjo, saradnik za edukaciju u VTK BiH. Telefon: 033/566-204. E-mail: mirza.konjo@komorabih.ba

U nadi da ćete prepoznati značaj ovog seminara, te svojim prisustvom i učešćem uveličati organizaciju istog, srdačno Vas pozdravljam i ostajem

S poštovanjem,



Dr.sc. Elma Kovačević-Bajtal
Vanjskotrgovinska komora BiH
Direktorica Instituta za edukaciju

Prilog:

- Program seminara





PROGRAM EDUKACIJE
„Kako do novih EU fondova za mala, srednja i velika preduzeća“
VTK BiH, Sarajevo
08.10.2021. godine

Vrijeme	Sadržaj/Aktivnost
08:45 – 09:00	Registracija polaznika
09:00 – 09:15	Pozdravna riječ Uvodno obraćanje Predstavljanje organizatora & učesnika
09:15 – 10:00	Pregled svih EU fondova i otvorenih konkursa za BiH <ul style="list-style-type: none">Boško Nektarijević
10:00 – 10:15	Pauza za kafu/osvježenje
10:15 – 11:45	Izrada prijedloga projekata za IPA (korak po korak dizajn projekta i primjeri) <ul style="list-style-type: none">Boško Nektarijević
11:45 – 12:30	Pauza za ručak
12:30 – 14:15	Izrada prijedloga projekta za Horizon Europe (korak po korak dizajn projekta i modeli projekata) <ul style="list-style-type: none">Boško Nektarijević
14:15 – 14:30	Pauza za kafu/osvježenje
14:30 – 15:45	Traženje partnera i investitora – Radionica Izrada Partners profile & Investment Teaser <ul style="list-style-type: none">Boško Nektarijević
15:45 –	Diskusija/Pitanja & Odgovori Završna riječ Dodjela certifikata Kraj edukacije

